

## REUNIÓN NA ACADEMIA GALEGA DE SEGURIDADE PÚBLICA (AGASP): FORMACIÓN ESPECÍFICA PARA AXENTES MEDIOAMBIENTAIS / AXENTES FORESTAIS DA XUNTA (11 de maio de 2016)

**CSI-F avoga por cursos para os axentes forestais/medioambientais e por un plan xeral de formación que abranga e inclúa a todo o persoal da Xunta que participe nos diferentes operativos de emerxencias.**

O 11/05/2016 tivo lugar unha reunión entre as 4 OO.SS representativas da Función Pública Galega xunto co Director e Secretario Xeral da AGASP e mailo Subdirector do SPDCIF da C.Medio Rural para abordar a posibilidade de que sexa a propia AGASP a entidade que se encargue de impartir formación específica e especializada aos axentes forestais e medioambientais da Xunta de Galicia.

Neste senso, dende **CSI-F**, xa remitíramos un plan formativo específico para os referidos axentes que incluían cursos dende investigación de causas de incendios forestais ata cursos de redacción de actas, entre máis de 50 actividades formativas propostas.

Non obstante, e maila esta proposta especializada para os axentes medioambientais e forestais, dende **CSI-F** tamén propuxemos a necesidade de incluír aos diversos empregados públicos da Xunta que participen en operativos de emerxencias (e máis concretamente en incendios e lumes forestais) nos cursos de formación da AGASP.

En todo caso, dende **CSI-F**, opuxémonos rotundamente a que a formación que se imparta aos empregados públicos da Xunta fose a través de empresas privadas, xa que dispoñemos das nosas propias escolas públicas para cada un dos ámbitos de formación esixidos (Egap, Agasp, Acis ou os CAFI e CFRs), motivo polo que esiximos que sexa a AGASP a que imparta a formación propia do persoal da Xunta dos diversos operativos de emerxencias.

**CSI-F insta ao establecemento dos criterios e dun modelo formativo na AGASP que permita implantar esta formación de forma urxente e inmediata.**

Os representantes da Administración informan que o problema para o desenvolvemento desta formación radica fundamentalmente en dúas cuestións:

Por unha banda, a norma que rexe a finalidade da AGASP, que inclúe só a determinados colectivos obxecto da formación. Por outro lado, a financiación precisa para as referidas accións. A este respecto, **CSI-F** manifestou o seguinte:

1. A AGASP ten competencias de formación en materia de emerxencias, motivo polo que entendemos que o persoal que forme parte de tales dispositivos e/ou operativos debe ter cabida na súa formación. En todo caso, tampouco vemos problemas en que se modifique a norma que rexe á AGASP para dar cabida a máis colectivos se fose preciso.
2. Dende **CSI-F** solicitamos que nos fondos do FSE de formación para desempregados, se reserve a porcentaxe máxima posible, de selo caso, para incluír a persoal en activo, e en consecuencia, posibilitar a apertura destes cursos ao persoal da Xunta referido.
3. **CSI-F** solicita que naqueles cursos que xa imparte a AGASP, e estean relacionados ou sexan de aplicación aos axentes forestais e medioambientais así como o resto de persoal da Xunta que participe en operativos de emerxencia, se lles permita a súa participación.

### OS ACORDOS AOS QUE CHEGAMOS

Tras as achegas da **CSI-F** xunto co resto de OO.SS e os representantes da Administración, acordamos abordar o seguinte proceso de negociación:

1. Achegar de forma conxunta por parte de todas as organizacións sindicais unha única proposta de cursos (máximo 10) de formación específica para axentes medioambientais e forestais, priorizando a súa preferencia, a súa duración, número de destinatarios, calendario, etc. Tras esta proposta, reuniremonos de novo coa Administración para perfilar a proposta definitiva. Prevese que este proceso se desenvolva no prazo máximo de dúas ou tres semanas.
2. Achegar tamén un listado dos cursos que está impartindo a AGASP no que consideremos que teñen cabida os axentes forestais e medioambientais así como o resto do persoal da xunta que participe nos diversos operativos de emerxencias –p.e SPDCIF–. É dicir, propor aqueles cursos da AGASP que se poidan abrir ao persoal sinalado.

CSI-F, 12 de maio de 2016

CSI-F Galicia

Rúa do Valiño, 65, Baixo, 15707 - Santiago de Compostela

☎ 981 560 951 ☎ 981 575 140 ✉ [g Galicia@csi-f.es](mailto:g Galicia@csi-f.es) 🌐 [www.csi-f.es/ambito/galicia](http://www.csi-f.es/ambito/galicia)